

春秋左傳杜注

春秋左傳杜氏序

春秋者魯史記之名也。記事

月以月繫時以時繫年所以

史之所記必表年以首事年有四時故錯舉以為

所記之名也。周禮有史官掌邦國四方之事達四

方之志

周禮春官小史職曰掌邦國之志內史職曰凡四方之事書內史讀之外史職曰掌四方之志掌達書名於四方今杜氏序云

掌邦國四方之事者掌邦國取小史職文四方之事取內史職文周禮言邦國者乃謂畿外諸侯之國也國有四表故言四方云凡四方之事書內史讀之者謂四方有書來告內史讀以白王也告王之後則小史主掌之故云掌邦國之志內史雖云讀四方之事書其實國內史策皆內史所掌故其職掌八柄及策命之事也然則內史小史既主國內及主四方來告之事故倍二十三年杜注云國史承告而書是也杜此序又云達四方之

志取外史職文按外史職云掌四方之志掌達書名四方今移達字於四方
之志上如杜之考外史達此國內之志以告四方故倍二十三年莊注云同
盟然後告名赴者之禮是也然則掌邦國四方之事者據此
水受他國之赴也連四方之志者據已國有事赴告他國也

諸侯亦各

有國史大事書之於策

大竹曰策

小事簡牘而已

小竹為簡木版為牘孟

子曰楚謂之檮杌晉謂之乘而魯謂之春秋其實

一也韓宣子適魯見易象與魯春秋曰周禮盡在

魯矣吾乃今知周公之德與周之所以王

昭二年傳韓子

所見蓋周之舊典禮經也

傳於隱七年書名例云謂之禮經十一年不告例云不書于策明書于策

必有常禮未修之前舊有此法○既言諸國有書欲明魯最兼備故云此

周德既衰官失其守上之

人不能使春秋昭明

謂不能使春秋褒貶勸戒昭明也○昭二十一年傳曰春秋之稱微而顯婉而辨上之

能使昭明善人

勸馬淫人懼焉

赴告策書

崩薨曰赴。禍福曰告。

諸所記注多違舊章

仲尼因魯史策書成文考其真偽而志其典禮

合典法者

褒之違禮度者貶之

上以遵周公之遺制下以明將來之法其教

之所存文之所害則刊而正之

刊削也

以示勸戒其餘則

皆即用舊史史有文質

史謂居官之人

辭有詳略

詳謂書策之文

不必改

也故傳曰其善志

昭三十一年傳善志謂記事之善者

又曰非聖人孰能修之

成十四年傳

蓋周公之志仲尼從而明之

以上論經

左邱明受經於

仲尼以為經者不刊之書也故傳或先經以始事

或後經以終義或依經以辯理或錯經以合異隨

義而發

先經者若隱公不書即位先發仲子歸于我衛州吁弑其君完先發莊公娶于齊如此之類是先經以始事也後經者昭二十

二年王室亂定八年乃言劉子伐孟以定王室哀二年晉缺蒯聩于戚哀十五年乃言蒯聩自戚入衛如此之類是後經以終義也依經者經有其事傳辨其由隱公不書即位而求好于邾故為蔑之盟按其經文明共歸趙如此之類是依經以辨理也錯經者若地有兩名經傳互舉及經傳傳伐經傳傳侵於文雖異於理則合如其例之所重舊史遺文略不盡舉此之類是錯經以合義也

非聖人所修之要故也

此說有經無傳之意例之所重者若桓元年秋大水傳云凡平原出水為大水

莊七年秋大水此則例之所重皆是舊史遺餘策書之文邱明略之不復發傳

身為國史躬覽載籍必

廣記而備言之

自此至然後為得也說無經有傳之意

其文緩

非直解經故

其旨遠

通明聖意故

將令學者原始要終尋其枝葉究其所窮優

而柔之使自求之歷而飫之使自趨之

優柔俱訓為安寬舒之意也

飲俱訓為飽饒裕之意也。謂邱明富博其文優游學者之心使
自求索其高意精華。其大義飽足學者之好使自奔趨其深致。若江海之浸

膏澤之潤。渙然冰釋。怡然理順。然後為得也。江海以水深之

故所浸者遠。膏澤以雨多之。故所潤者博。以喻傳之廣。記備言亦欲浸潤經
文。使義理通洽。如是而求之。然後渙然解散如春冰之釋。怡然心悅而衆理

皆順也。其發凡以言例。皆經國之常制。周公之垂法。史

書之舊章。仲尼從而修之。以成一經之通體。自此至非例也

辨說傳之三體此一段說舊發例也其微顯闡幽。裁成義類者。皆據舊例而

發義。指行事以正褒貶。此下盡曲而暢之說新意也。經文顯者作傳本其纖微。經文幽者作傳闡使明。

著以裁制。成其義理。比類者皆據舊典。凡例而起。發經義指其人行事。是非
以正經之褒貶。例稱得雋曰克。傳言如二君。故曰克。是其據舊例發義也。晉
侯名王使狩。鄭伯不教其弟。仲尼沒其名。王顯稱鄭伯。邱明正述其事。先
解經文。是指其行事以正褒貶也。此二事尤明者耳。其餘皆是新意也。諸

稱書不書。先書故書。不言不稱。書曰之類。皆所以

起新舊發大義。謂之變例。

七者之類皆所以起新舊之例。今人知發凡是舊七者是新發明經之火

義謂之變例。以凡是正例。故謂此為變例也。

然亦有史所不書。即以為義者。

若宣

崔氏出奔衛。傳稱書曰。崔氏非其罪也。且告以族不以名。是告不以名。故知舊史無名。及仲尼修經。無罪見逐。例不書名。此舊史之文。適當孔子之意。不得不用之也。

此蓋春秋新意。

總上變例與不別書

故傳不言凡曲而暢

之也。

舉一凡而事同者。諸理盡見。是其直也。不言凡而每事發傳。是其曲而暢之也。暢通也。

其經無義例。因

行事而言。則傳直言其歸趣而已。非例也。

國有大

書之其事既無得失。其文不著善惡。故傳直言其指歸趣向而已。非褒貶之例。

故發傳之體有三。

即上文發凡正

例新意變例歸趣非例是也。

而為例之情有五。一曰微而顯。

辭微而義顯文

見於此而起義在彼稱族尊君命舍族尊夫人梁

亡城緣陵之類是也

成十四年經曰秋叔孫僂如齊逆女九月僂如以夫人婦姜氏至自齊族自卿家

之族稱舍別有所尊是文見於此而起義在彼僂十九年經書梁亡十四年書諸侯城緣陵秦人滅梁而曰梁亡見取者之無罪齊桓城祀而書諸侯城緣陵見諸侯之有闕亦是

二曰志而晦

志記也晦亦微也

約言示制推以

知例參會不地

桓二年傳

與謀曰及

宣七年傳之類是也

其言以示法制推尋其事以知其例是所記事有敘而其文晦微也三曰婉而成章曲從義訓以

示大順諸所諱辟

同避

璧假許田

桓元年

之類是也

之義可以垂訓於後故屈曲其辭從其義訓以示大順之道是其辭婉曲而成其篇章也四曰盡而不汙

於俱反直

書其事具文見意丹楹

莊二十三年

刻桷

莊二十四年

天王求車

桓十五年齊侯獻捷

莊三十一

之類是也

非禮而動不為之隱具為其文以見譏意是其事實盡而不有

汙曲也

五曰懲惡而勸善求名而亡欲蓋而章

昭三十一年傳曰或求名

而不得或欲蓋而名章懲不義也

書齊豹盜

昭二

三叛人名

襄二十一年

昭五年莒牟夷昭三

十一年鄉黑肱

之類是也推此五體以尋經傳觸類而長之

附于二百四十二年行事王道之正人倫之紀備

矣或曰春秋以錯文見義

其文異者必應有義存焉

若如所論則經

當有事同文異而無其義也先儒所傳皆不其然

答曰春秋雖以一字為褒貶然皆須數

上聲

句以成

言非如八卦之爻可錯綜為六十四也固當依傳

以為斷

卦之一爻變則成爲一卦，經之一字異不得成爲一義，故經必須數句以成言，義則待傳而後曉，不可錯綜經文以求義理，故

常依傳以爲斷，文異者邱明不爲發傳，仲尼必無其義，安得傳旨之表，妄說經文，以此知經有事同文異而無其義者也。

古今言左

氏春秋者多矣，今其遺文可見者十數家，大體轉

相祖述，進不成爲錯綜經文以盡其變。

經之詳略本不若義強爲之說。

理不可通，故進不成爲錯綜經文以盡其變。

退不守邱明之傳。

於傳之外，別立異端。

於邱明

之傳有所不通，皆沒而不說，而更膚引公羊穀梁

適足自亂，預今所以爲異，專修邱明之傳以釋經。

經之條貫必出於傳，傳之義例總歸諸凡，推變例

以正褒貶。

若有例無凡，則傳有變例，如是則推尋變例以正褒貶，豈十年崔氏出奔，衛傳云書曰崔氏，非其罪也不書名者，非

其罪則書名者是罪如此之類是推變例以正褒貶也

簡二傳而去異端

若左氏不解二傳有說有是有非可去可

取如是則簡選二傳取其合義而去其異端

蓋邱明之志也其有疑錯則備論

而闕之以俟後賢然劉子駿創通大義賈景伯父

子許惠卿皆先儒之美者也未有穎子嚴者雖淺

近亦復名家故特舉劉賈許穎之違以見同異

劉子嚴字子

駿援漢賈逵字景伯扶風人父徽字元伯授業于歆達傳父業許惠卿名淑魏郡人穎子嚴名容陳郡人

分經之年與傳

之年相附比

毗志反

其義類各隨而解之名曰經傳集

解

謂聚集經傳為之作解

又別集諸例及地名譜第歷數相與為

部凡四十部十五卷皆顯其異同從而釋之名曰

釋例將令學者觀其所聚異同之說釋例詳之也
或曰春秋之作左傳及穀梁無明文說者以仲尼

自衛反魯修春秋立素王

去聲

邱明為素臣

家語稱齊太史子餘歎美

孔子言云天其素王之乎素空也言無位而空王之也彼子餘美孔子之深原上天之意故為此言耳非是孔子自號為素王先儒蓋因此而謬遂言春秋立素王之法左邱明述仲尼之道故復以為素臣也言公羊者亦云黜周而王魯危行

言孫以辟當時之害故微其文隱其義公羊經止
獲麟而左氏經終孔丘卒敢問所安答曰異乎余
所聞仲尼曰文王既沒文不在茲乎此制作之本
意也歎曰鳳鳥不至河不出圖吾已矣夫蓋傷時

王之政也

傷時王之政不能致此瑞也先有制作之意而懷時無嘉瑞明是既得佳瑞即便制作柱欲明得麟乃作故先表此二句麟

鳳五靈

麟鳳龜龍白虎

王者之嘉瑞也今麟出非其時虛其

應而失其歸

上無明王是虛其應為人所獲是失其歸

此聖人所以為感也絕

筆於獲麟之一句者所感而起固所以為終也曰

然則春秋何始於魯隱公答曰周平王東周之始

王也隱公讓國之賢君也考乎其時則相接

隱公之初當平

王之末言乎其位則列國

其爵為侯其土則廣是大國也

本乎其始則周公

之祚胤也若平王能祈天永命紹開中

去

興隱公

能弘宣祖業光啟王室則西周之美可尋文武之

迹不隊是故因其歷數

年月之歷數

附其行事

時人之行事

采周

之舊以會成王義

會合也

垂法將來所書之王即平王

也所用之歷即周正也所稱之公即魯隱也安在

其黜周而王魯乎子曰如有用我者吾其為東周

乎

原其此意知非黜周

此其義也若夫制作之文所以章往考

來

章明已往考按方來欲使將來之人鑒見既往之事

情見乎辭

聖人之情見乎文辭

言高則旨遠

若使發語單雜則情趣理近立言高簡則旨意遠大

辭約則義微

章句煩多則事情易顯文辭約少則義趣微略

此理

之常非隱之也聖人包周身之防

謂聖人防慮必周於身自知無患方始作之

既作之後方復隱諱以辟患非所聞也子路欲使

門人為臣。孔子以為欺天。而云仲尼素王。邱明素
臣。又非通論也。先儒以為制作三年。文成致麟。既
已妖妄。又引經以至仲尼卒。亦又近誣。據公羊經
止獲麟。而左氏小邾射音亦不在三叛之數。故余以
為感麟而作。作起獲麟。則文止於所起。為得其實。
至於反袂拭面。稱吾道窮。亦無取焉。公羊稱孔子聞獲麟
反袂拭面涕沾袍曰

吾道窮矣。聖人盡性窮神樂天知命。寧復畏懼死亡。下沾衿
之泣。愛惜性命。發道窮之歎。以上纂孔疏問參文選注。

讀春秋左氏傳者競推杜林合注林非杜匹也杜林合注於杜注每有刊落則一家之學既弗全而唐宋以來諸儒先之名言要旨亦率皆缺而未載又安能使讀者貫穿馳騁上下往復而不域於變文章句之習也華亭姚平山氏研精左傳得其要領其為書也以杜氏經傳集解為主而兼引孔疏旁及各傳注元元本本疏通證明不遺餘力平山蓋不惟為杜氏一家之學而已据經以讀傳因傳以攷經是非同異之際三致意焉凡他說之有裨

杜氏而可以並參者必與集解兩存以俟後人採
擇其詳且慎如此不可為著書法歟夫漢世春秋
分為五家鄒夾已廢而三家盛行杜元凱獨專精
左傳其集解序有曰優而柔之饜而飫之若江海
之浸膏澤之潤渙然冰釋怡然理順然後為得也
斯言也杜氏教人以讀書之法而亦自道所得也
平山之書洵所謂冰釋理順者世之學者有志春
秋一經當不能舍此而津逮矣吳門陸闇亭太守
自蜀中解組歸田主持風雅深喜是書詳核因為

捐賞雕板自此得以流播遠近海內通經之士讀之其快然為何如也

乾隆十一年歲次丙寅秋七月北平黃叔琳書

凡例八則

春秋左傳向宗杜氏集解茲刻一字不遺孔疏所以發明杜注者也寧詳毋略其餘諸家之說自唐宋元明以逮

本朝罔不采錄

杜注間有未純謹錄先儒成說以寓折衷至是之意其或彼此俱通而後人說較明暢隨文附入不厭其繁至管見則加按字

杜注列於前增入之說以一圈隔之字音依陸氏

釋文補其未備

讀傳必先讀經略經而詳傳者非也說經以程朱
為準公穀胡張四傳外有足相參例得均載經文
之下

杜注地名與今不合証明即今某處庶方輿瞭如
指掌

列國興廢止載二十國虞虢紀早亡不錄遵依
欽定傳說彙纂本也

古本左傳三十卷今仍其舊附王朝列國興廢等

說於卷首不入卷中

杜氏序一篇實此書要領詳為詮釋俾注家大指
了然未讀其書思過半矣

乾隆九年歲次甲子九月上澣姚培謙識

春秋王朝興廢說

周

姬姓黃帝之苗裔后稷之後也。后稷封於邰。

今陝西西安府

武功縣及夏之衰，后稷之子不窋失其官，竄於西戎。

括地志曰

不窋故城在慶州弘化縣，接即今陝西慶陽府安化縣。

不窋之孫公劉徙居邠。

今西安府邠州東北有邠

亭三水縣西有古邠城，皆是。

公劉傳九世至太王，去邠，邑於岐山之

陽今陝西鳳翔府岐山縣

文王受命，作邑於豐。

今西安府鄠縣南有豐城

武王克商

而有天下，定都於鎬。

鎬在池水東，池在豐水西，相去二十五里。

平王遷都王城。

今河南河南府洛陽縣西故城是也。

敬王又遷成周。

今洛陽縣東故城是也。

平王四十九

年魯隱公立。敬王三十九年。獲麟之歲也。後九王
二百二十年。而赧王為秦所滅。

春秋列國興廢說

魯

姬姓。侯爵。周文王第四子周公旦所封也。周公有
大勲勞於天下。位冢宰。留相天子。乃封其長子伯
禽為魯侯。都於曲阜。

今山東兗州
府曲阜縣

伯禽十三世。傳至隱

公元年。春秋託始於此。又二百四十有二年。為哀
公十四年。西狩獲麟。後九君。至頃公。讎為楚所滅。

蔡

姬姓侯爵武王同母弟叔度所封也武王克商封

叔度於蔡

今河南汝寧府上蔡縣

平侯徙新蔡

今汝寧府新蔡縣

昭侯又徙

州來謂之下蔡

今江南鳳陽府壽州北有蔡園城

宣侯二十八年魯隱

公立成侯十年魯哀公十四年也後為楚所滅

曹

姬姓伯爵武王同母弟叔振鐸所封也武王克商

封叔振鐸於曹

今山東兗州府定陶縣

叔振鐸生太伯脾脾後九

世桓公終生三十五年魯隱公元年也魯哀公八

年曹伯陽為宋所滅

衛

姬姓侯爵武王同母少弟康叔封之後也武王封

康叔於衛

今河南衛輝府淇縣東北朝歌城是也

文公遷楚邱

故城在今北直大名府滑縣東

成

公又遷帝邱

今大名府開州顓頊城是也

桓公十三年魯隱公即位

出公十二年魯哀公十四年也其後貶號曰君止

有濮陽之地秦二世廢其君角為庶人

滕

姬姓侯爵周文王子叔繡所封

今山東兗州府滕縣

魯隱公七

年始見經。戰國策謂滕滅於宋。漢地理志滕封三十一世。為齊所滅。未知孰是。

晉

姬姓。侯爵。周武王少子。唐叔虞之後也。成王封叔

虞於唐。始都於翼。今山西平陽府翼城縣唐叔子。變父為晉侯。傳

十世至昭侯。昭侯封其父文侯之弟成師於曲沃。

今平陽府聞喜縣是為桓叔。昭侯傳至哀侯。為桓叔之孫武

公所滅。武公徙居絳。今平陽府絳州北景公又徙新田。今平陽府曲沃

縣南。鄂侯二年。魯隱公立。定公三十一年。魯哀公十

四年也。又六世韓魏趙三分晉地。遷其君靖公。俱酒為家人。

鄭

姬姓。伯爵。周厲王少子友之後也。宣王二十二年。

封友於鄭。

今陝西西安府華州

幽王之難。友寄帑於虢郟之間。

因取二國之地。謂之新鄭。

今河南開封府新鄭縣

莊公二十二年。

魯隱公即位。聲公二十年。魯哀公十四年也。後為

韓所滅。

吳

姬姓子爵周太王長子太伯奔荆蠻以避季歷居

於梅里

今江南常州府無錫縣

太伯卒仲雍嗣立後十七世至壽

夢始稱王其後闔廬築大城而都之

今江南蘇州府治

魯成

公六年壽夢見經夫差十五年獲麟之歲也魯哀公二十二年為越句踐所滅

燕

姬姓伯爵周同姓召公奭之後也武王封召公於

薊號為北燕

今北直順天府大興縣

穆侯七年魯隱公即位獻公

十二年魯哀公十四年也後六世易王立傳王號

者六世至王喜為秦所滅

齊

姜姓侯爵太公望之後也其先四岳佐禹平水土
有功虞夏間封於呂商末太公起漁釣為文武師
封營邱曰齊侯今山東青州府臨淄縣僖公九年魯隱公立簡公
四年魯哀公十四年也後三君一百有二年康公
貸卒田氏遂并齊

秦

嬴姓伯爵出自顓頊裔孫女修子大業生大費與

禹平水土。佐舜調馴鳥獸。賜姓嬴。是為柏翳。柏翳

十九世非子。為周孝王主馬汧渭間。馬大蕃息。孝

王分為附庸而邑之。秦

今陝西鞏昌府秦州清水縣有故秦城

非子曾孫秦

仲死於西戎。其孫襄公討西戎有功。平王東遷。賜

以岐豐之地。列為諸侯。寧公徙平陽。

今陝西鳳翔府郿縣西有平陽故城德

公徙雍。

今鳳翔府鳳翔縣

獻公徙櫟陽。

今陝西西安府臨潼縣

孝公徙咸陽。

今西安府咸陽縣

文公四十四年。魯隱公立。悼公十一年。魯哀

公十四年也。後九世。孝公用商鞅。以耕戰霸秦。其

子惠文君自號為王。傳武王。昭襄王。孝文王。莊襄

王至始皇并天下自立為皇帝二世而亡

楚

芊姓子爵出自顓頊孫重黎為高辛氏火正能光
融天下命曰祝融其弟吳回嗣為祝融生陸終陸
終生六子最少者季連季連之苗裔鬻熊為周文
武師成王時封鬻熊曾孫熊繹於荊蠻胙以子男

之田其地居丹陽

徐廣宋忠皆曰在南郡枝江縣按枝江今屬湖廣荊州府

其後都郢

今荊州府

江陵

昭王徙都

水經注謂之郢郢在今湖廣襄陽府宜城縣西南秦拔郢郢楚保陳城即故陳國也

其竄後徙

壽春

今江南鳳陽府壽州

武王十九年魯隱公立惠王八年魯哀

公十四年也。惠王而下，有簡、聲、悼、肅、宣，威懷頃寔。考烈幽哀，負芻十二王，而秦滅之。

宋

子姓，公爵。出自商王帝乙之長庶子啓，食采於微，謂之微子。周武王誅紂，立其子武庚，武庚畔，成王誅之，乃更封微子為宋公，以奉湯祀。

今河南歸德府商邱縣

穆公

和七年，魯隱公立。景公三十六年，魯哀公十四年也。後至王偃稱王，圖伯而齊魏楚共滅其國。

杞

如姓伯爵武王克商求夏禹苗裔得東樓公封杞

以奉禹祀

今河南開封府杞縣

東樓公四傳至武公二十九年

魯隱公立魯桓公六年武公遷都淳于

今山東青州府安邱縣東北

魯僖公十四年成公遷緣陵

今青州府昌樂縣東南

魯襄公二十

九年文公又遷淳于至閔公六年獲麟之歲也後

為楚所滅

陳

媯姓侯爵出自帝舜之後封於有虞虞幕裔孫闕父為周武王陶正王以元女大姬下嫁其子滿而

封諸陳使奉虞帝祀

今河南開封府陳州

桓公二十三年魯隱公

立閔公二十一年魯哀公十四年也後三年楚惠

王使公孫朝滅陳

薛

任姓侯爵黃帝之後奚仲封於薛

今山東兗州府滕縣南

魯隱公

十一年獻侯始來朝魯與諸侯盟會後不知為誰所滅

邾

曹姓子爵出自陸終第五子晏安之後武王克商

封其苗裔曹挾於邾為附庸

今山東兗州府鄒縣

自挾至儀父

十二世魯隱公元年儀父會盟于蔑北杏之會附
從齊桓進爵為子魯哀公十年邾子益來奔後為
楚所并

莒

嬴姓子爵出自少昊之後武王封茲與期於莒

今山東青州

州府莒君無謚而有號自茲與期十一世至茲平父

始見經共公庚與而下微不復見後四世而楚滅
之

小邾

曹姓子爵。出自邾挾之後。夷父顏有功於周。周封

其子友於邾。為附庸。

杜注東海昌慮縣東北有邾城。按昌慮故城在今兗州府滕縣東南。

魯莊公

五年。友之曾孫黎來始朝魯。齊小白霸。邾君附從。進爵為子。始列諸侯。謂之小邾子。穆公之孫惠公以下。春秋後六世而楚滅之。

許

姜姓。男爵。與齊同祖。武王封四岳之苗裔文叔於

許。

今河南開封府許州。

春秋時國小而近鄭。為鄭所逼。魯成公

十五年遷葉

今河南南陽府葉縣

魯昭公九年遷夷實城父

今江

南鳳陽府亳州東南有城父故城

十一年遷析實白羽

今南陽府鄧州內鄉縣

魯定公四

年遷容城

應劭曰容城即華容城按華容今湖廣荊州府監利縣也或曰容城在葉縣西未知孰是

自文叔至

莊公十一世始見經元公子結元年獲麟之歲也
戰國初楚滅之

春秋王朝列國紀年

隱公在位十一年

平王四十九年至五十一年桓王元年至八年

齊僖公祿父九年至十九年 晉鄂侯郟二年至

六年哀侯光元年至六年曲沃莊伯鱣十一年至

十七年武公稱元年至五年 衛桓公完十三年

至十六年宣公晉元年至七年 蔡宣公考父二

十八年至三十五年桓公封人元年至三年 鄭

莊公寤生二十二年至三十二年 曹桓公終生

三十五年至四十五年 陳桓公鮑二十三年至
三十三年 杞武公二十九年至三十九年 宋
穆公和七年至九年 殤公與夷元年至八年 秦
文公四十四年至五十年 寧公元年至四年 楚
武王熊通十九年至二十九年

桓公在位十八年

桓王九年至二十三年 莊王元年至三年 齊僖
公二十年至三十三年 襄公諸兒元年至四年
晉哀侯七年至九年 小子侯元年至四年 繆元年

至十一年曲沃武公六年至二十三年 衛宣公

八年至十九年惠公朔元年至五年黔牟元年 魯當

桓十七年至二年 蔡桓公四年至二十年哀公獻舞元

年 鄭莊公三十三年至四十三年厲公突元年

至七年昭公忽元年 魯當至二年子亶元年 魯當

曹桓公四十六年至五十五年莊公射姑元年

至八年 陳桓公三十四年至三十八年厲公躍

元年至七年莊公林元年至六年 杞武公四十

年至四十七年靖公元年至十年 宋殤公九年

十年莊公馮元年至十六年 秦寧公五年至十二年
出子元年至六年 武公元年至四年 楚武
王三十年至四十七年

莊公在位三十二年

莊王四年至十五年 僖王元年至五年 惠王元年至十五年
齊襄公五年至十二年 桓公小白元年至二十四年
晉緡十二年至二十七年 武公二十四年至四十年
獻公詭諸元年至十五年 衛惠公七年至三十一年
懿公赤元年至七年 黔

牟三年至八年 蔡哀公二年至二十年 穆公

元年 至十三年 鄭厲公八年 至二十八年 子儀

元年 當魯莊元年 至十四年 文公 捷元年 至十一年 曹

莊公 九年 至三十一年 僖公 夷元年 至九年 陳

莊公 七年 宣公 杵臼元年 至三十一年 杞靖公

十一年 至二十三年 共公 元年 至八年 惠公 元年

至十一年 宋莊公 十七年 十八年 閔公 捷元年

至十年 桓公 御說元年 至二十年 秦武公 五年

至二十年 德公 元年 二年 宣公 元年 至十二年 成

公元年二年 楚武王四十八年至五十一年文
王熊貲元年至十五年堵敖熊羆元年至三年成
王熊頽元年至十年

閔公在位二年

惠王十六年十七年 齊桓公二十五年二十六
年 晉獻公十六年十七年 衛懿公八年九年

蔡穆公十四年十五年 鄭文公十二年十三

年 曹昭公班元年二年 陳宣公三十二年三

十三年 杞惠公十二年十三年 宋桓公二十

一年二十二年 秦成公三年四年 楚成王十一年十二年

僖公在位三十三年

惠王十八年至二十五年 襄王元年至二十五年
齊桓公二十七年至四十三年 孝公昭元年至
十年 昭公潘元年至六年 晉獻公十八年至二
十六年 惠公夷吾元年至十五年 文公重耳元年
至九年 襄公驩元年 衛文公燬元年至二十五
年 成公鄭元年 至八年 蔡穆公十六年至二十

九年莊公甲午元年至十九年 鄭文公十四年
至四十五年穆公蘭元年 曹昭公三年至九年
共公襄元年至二十年 陳宣公三十四年至四
十五年穆公欸元年至十六年共公朔元年至五
年 杞惠公十四年至十八年成公元年至十八
年桓公姑容元年至十年 宋桓公二十三年至
三十一年襄公茲父元年至十四年成公王臣元
年至十年 秦穆公任好元年至三十三年 楚
成王十三年至四十五年

文公在位十八年

襄王二十六年至三十三年
頃王元年
至六年
匡王元年
至四年
晉襄公二年
至七年
靈公
夷臯元年
至十二年
齊昭公七年
至二十年
懿公
商人元年
至四年
衛成公九年
至二十六年
蔡莊公二十年
至三十四年
文公申元年
至三年
鄭穆公二年
至十九年
曹共公二十七年
至三十五年
文公壽元年
至九年
陳共公六年
至十八年
靈公平國元年
至五年
杞桓公十一年
至

二十八年 宋成公十一年至十七年昭公杵臼
元年至九年文公鮑元年二年 秦穆公三十四
年至三十九年康公蠶元年至十二年 楚成王
四十六年穆王商臣元年至十二年莊王旅元年
至五年

宣公在位十八年

匡王五年六年定王元年至十六年 晉靈公十
三年十四年成公黑臀元年至七年景公孺元年
至九年 齊惠公元元年至十年頃公無野元年

至八年 衛成公二十七年至三十五年 穆公速
元年至九年 蔡文公四年至二十年 景公固元
年 鄭穆公二十年至二十二年 靈公夷元年 襄
公元年至十四年 曹文公十年至二十三年 宣
公廬元年至四年 陳靈公六年至十五年 成公
午元年至八年 杞桓公二十九年至四十六年
宋文公三年至二十年 秦共公稻元年至四
年 桓公榮元年至十四年 楚莊王六年至二十
三年

成公在位十八年

定王十七年至二十一年簡王元年至十三年

晉景公十年至十九年厲公州蒲元年至八年

齊頃公九年至十七年靈公環元年至九年 衛

穆公十年十一年定公臧元年至十二年獻公衎

元年至四年 蔡景公二年至十九年 鄭襄公

十五年至十八年悼公費元年二年成公踰元年

至十二年 曹宣公五年至十七年成公負芻元

年至五年 陳成公九年至二十六年 杞桓公

四十七年至六十四年 宋文公二十一年二十
二年共公固元年至十三年平公成元年至三年
秦桓公十五年至二十八年景公元年至四年
楚共王審元年至十八年 吳子壽夢元年當魯
成六年至十三年

襄公在位三十一年

簡王十四年靈王元年至二十七年景王元年至
三年 晉悼公周元年至十五年平公彪元年至
十六年 齊靈公元年至二十八年莊公光元年

至六年景公杵臼元年至六年 衛獻公五年至

三十三年襄公惡元年二年殤公剽元年當魯襄十五年至

十二年 蔡景公二十年至四十九年靈公般元

年 鄭成公十三年十四年僖公髡頑元年至五

年簡公嘉元年至二十四年 曹成公六年至二

十三年武公滕元年至十三年 陳成公二十七

年至三十年哀公溺元年至二十七年 杞桓公

六十五年至七十年孝公匄元年至十七年文公

益姑元年至八年 宋平公四年至三十四年

秦景公五年至三十五年 楚共王十九年至三十一年 康王昭元年至十五年 邾敖麋元年至三年 吳壽夢十四年至二十五年 諸樊元年至十三年 餘祭元年至四年 夷末元年至二年

昭公在位三十二年

景王四年至二十五年 敬王元年至十年 晉平公十七年至二十六年 昭公夷元年至六年 頃公去疾元年至十四年 定公午元年至二年 齊景公七年至三十八年 衛襄公三年至九年 靈公元

元年至二十五年 蔡靈公二年至十二年平公

廬元年當魯昭
十三年至八年悼公東國元年至三年昭公

申元年至九年 鄭簡公二十五年至三十六年

定公寧元年至十六年獻公蠆元年至四年 曹

武公十四年至二十七年平公須元年至四年悼

公午元年至九年聲公野元年至五年 陳哀公

二十八年至三十五年惠公吳元年當魯昭
十三年至二十

年 杞文公九年至十四年平公郁釐元年至十

八年悼公成元年至八年 宋平公三十五年至

四十四年元公佐元年至十五年景公頭曼元年
至七年 秦景公三十六年至四十年哀公元年
至二十七年 楚郟敖四年靈王虔元年至十二
年平王居元年至十三年昭王軫元年至六年
吳夷末三年至十七年僚元年至十二年闔廬元
年至五年

定公在位十五年

敬王十一年至二十五年 晉定公三年至十七
年 齊景公三十九年至五十三年 衛靈公二

十六年至四十年 蔡昭公十年至二十四年

鄭獻公五年至十三年 聲公勝元年至六年 曹

隱公通元年至四年 靖公露元年至四年 陽元年

至七年 陳惠公二十一年至二十四年 懷公柳

元年至四年 閔公越元年至七年 杞悼公九年

至十二年 僖公過元年至十一年 宋景公八年

至二十二年 秦哀公二十八年至三十六年 惠

公元年至六年 楚昭王七年至二十一年 吳

闔廬六年至十九年 夫差元年

哀公在位二十七年

敬王二十六年至四十四年元王元年至七年貞
定王元年 晉定公十八年至四十四年 齊景
公五十四年至五十八年安孺子荼元年悼公陽
生元年至四年簡公壬元年至四年平公騫元年
至十三年 衛靈公四十一年四十二年出公輒
元年至十三年莊公崩贖元年二年起元年出公
後元年至後七年悼公黜元年二年 蔡昭公二
十五年至二十八年成公朔元年至二十三年

鄭聲公七年至三十三年 曹陽八年至十五年

七 陳閔公八年至二十四年 七 杞僖公十二

年至十九年 閔公維元年至十六年 哀公闕路元

年至三年 宋景公二十三年至四十八年 昭公

得元年 秦惠公七年至九年 悼公元年至十五

年 厲公元年至九年 楚昭王二十二年至二十

七年 惠王章元年至二十一年 吳夫差二年至

二十三年 七

春秋一百二十四國爵姓

爵姓具者五十國

魯 蔡 曹 衛 滕 晉 鄭 吳 燕 齊

秦 楚 宋 杞 陳 薛 莒 邾 小邾

許

以上詳見列國與蔡說

虞

虢

俱姬姓公爵

邢

荀

息

隨

賈

俱姬姓侯

爵

祭

凡

滑

原

芮

俱姬姓伯爵

巴

邾

俱姬姓子爵

州

姜姓公爵

紀

姜姓侯爵

萊

姜姓子爵

梁

姜姓伯爵

徐

郟

俱姬姓子爵

宿

風姓男爵

胡

姬姓子爵

越

俱姬姓子爵

爵

南燕

姬姓伯爵

夔

子爵

鄧

曼姓侯爵

邾

偃陽

俱姬姓子爵

舒鳩

姬姓子爵

鳩

姬姓子爵

有爵無姓者十五國

唐

侯爵

弦

子爵或魏姓

沈

子爵或魏姓

譚

子爵或子姓

麋

鼓

俱子爵或新姓

穀

伯爵或魏姓

頓

宗

邛

白狄

賴

肥

戎蠻

舒

俱子爵

有姓無爵者十七國

韓

姬姓或侯爵

魏

耿

霍

郤

焦

楊

淮

密

俱姬姓

黃

嬴姓

羅

熊姓或魏姓

申

向

俱姜姓

夷

姓

鄭

瞞

漆姓

舒

庸

懼姓

戴

子姓

爵姓皆亡者三十二國

江

或嬴姓

權

六

蓼

桐

或俱懼姓

項

或結姓

郕

道

柏

貳

軫

絞

遂

崇

冀

溫

厲

巢

康

姒

介

邽

無終

葇收

於餘邱

英氏

根牟

鮮虞 陸渾 房 都 狄

附庸九國

顛 臾

須 句

任

俱風姓

葛

嬴姓

蕭

季姓

牟

桓

郭

鄆

春秋左傳杜注目錄

卷首

杜氏序

春秋王朝興廢說

春秋列國興廢說

春秋王朝列國紀年

春秋一百二十四國爵姓

卷第一

隱公元年之十一年

卷第二

桓公元年之十八年

卷第三

莊公元年之三十二年

卷第四

閔公元年二年

卷第五

僖公元年之十五年

卷第六

僖公十六年之二十六年

卷第七

僖公二十七年之三十二年

卷第八

文公元年之十年

卷第九

文公十一年之十八年

卷第十

宣公元年之十一年

卷第十一

宣公十二年之十八年

卷第十二

成公元年之十年

卷第十三

成公十一年之十八年

卷第十四

襄公元年之九年

卷第十五

襄公十年之十五年

卷第十六

襄公十六年之二十二年

卷第十七

襄公二十三年之二十五年

卷第十八

襄公二十六年之二十八年

卷第十九

襄公二十九年之三十一年

卷第二十

昭公元年之三年

卷第二十一

昭公四年之七年

卷第二十二

昭公八年之十二年

卷第二十三

昭公十三年之十七年

卷第二十四

昭公十八年之二十二年

卷第二十五

昭公二十三年之二十六年

卷第二十六

昭公二十七年之三十二年

卷第二十七

定公元年之七年

卷第二十八

定公八年之十五年

卷第二十九

哀公元年之十三年

卷第三十

哀公十四年之二十七年

春秋左傳杜注卷第一

華亭姚培謙學

隱公

名息姑惠公之子母聲子謚法不尸其位曰隱

傳惠公元妃孟子

言元妃明始適夫人也子宋姓○適丁歷反

孟子卒

不稱薨不成喪也無謚先夫死

不得從夫謚

繼室以聲子生隱公

聲也蓋孟子之姪婦也諸侯始娶則同姓之國以姪婦媵元妃死則次

妃攝治內事猶不得稱夫人故謂之繼室○姪兒女弟媵女弟媵以證反

宋武公生仲子仲子生而

有文在其手曰爲魯夫人故仲子歸于我

婦人謂嫁曰歸以手理自

然成室有若天命故嫁之於魯

生桓公而惠公薨

言歸魯而生男惠公不以桓生之年薨

是以隱

公立而奉之

隱公繼室之子當嗣世以禎祥之故追成父志爲桓尚少是以立爲太子卽國人奉之爲經元年春不書卽位傳

經元年春王正月

隱公之始年周王之正月也凡人君即位欲其體元以居正故不言一年一月也隱雖不即位然攝行君

事故亦朝廟告朔也告朔朝正例在襄二十九年即位例在隱莊閔僖元年

○三月公及邾儀父盟于

蔑

附庸之君未王命例稱名能自通于大國樂好息民故書字貴之名例在莊五年邾令魯國鄒縣也蔑姑蔑魯地魯國卞縣南有姑城○父音甫尼

人名地名放此鄒縣今屬山東兗州府姑蔑故城在兗州府泗水縣東

○夏五月鄭伯克段于鄆

不稱國討而言鄭伯譏失教也段不弟故不言弟明鄭伯雖失教而段亦凶逆以君討臣而用二君之例者言段強大僭據大都以耦國所謂得僞曰克也國討例在莊二十二年得僞例在莊十一年母弟例在宣十七年鄭在滎陽宛陵縣西南鄆今潁川鄆陵縣○鄆音僂古宛陵縣城在今河南開封府新鄭縣東北鄆陵縣今屬開封府

○秋七月天王使宰咺來歸惠公仲子之

賵

寔官咺名也咺贈死不及尸弔生不及哀豫凶事故貶而名之此天子大夫稱字之例仲子者桓公之母婦人無諡故以字配姓來者自外之文歸者不

反之辭○咺呼阮反賵芳鳳反

○九月及宋人盟于宿

客主無名皆微者也宿小國東平無鹽縣也凡

盟以圍地者國主亦與盟例在僖十九年宋今梁國睢陽縣。無曠故城在今山東兗州府東平州東二十里。睢音雖。睢陽故城在今河南歸德府商邱縣南。

○冬十有二月祭伯來

祭伯諸侯為王卿士者祭國伯爵也。傳曰非王命也釋其不稱伯。祭例界反。周

內國今開封府東北十五里有祭伯城。

○公子益師卒

傳例曰公不與小斂故不書日。所以示薄厚也。春秋不以日月為例。

唯卿佐之喪獨託日以見義者事之得失既未足以褒貶人君然亦非死者之罪無辭可以寄文而人臣輕賤死日可畧故特假日以見義。見賢遍反。

傳元年春王周正月

言周以別夏殷。夏以建寅之月為正。殷以建丑之月為正。周以建子之月為正。故言周以別

之夏戶雅反。

不書即位攝也

假攝君政不修即位之禮故史不書於策傳所以見異於常。見賢遍反。

○三月公及邾儀父盟于蔑邾子克也

克儀父名。

未王命

故不書爵曰儀父貴之也

王未賜命以為諸侯其後儀父服事齊桓以獎王室。王命以為邾子故莊

十六年經書邾子克卒。按胡傳中國之附庸例稱字非貴之也。

公攝位而欲求好於邾故為

蔑之盟

解所以與盟也。好去聲。

○夏四月費伯帥師城郎不書非公命也

費伯魯大夫郎魯邑高平

方與縣東南有郁郎亭傳曰若舉必書然則史之策書皆君命也今不書于經亦因史之舊法故傳釋之諸魯事傳釋不書他皆放此○費伯魯大夫費本父之食邑讀如字與季氏費邑讀曰秘者有別魏武封費亭侯即此今山東兗州府魚臺縣西南有費亭方與音房預今魚臺縣東北有郎城

○初鄭武公娶于申曰武姜

申國今南陽宛縣○宛於元反今河南南陽府南陽縣北有故申城

生莊公及共叔段

段出奔共故曰共叔猶晉侯在鄂謂之鄂侯○共音恭

莊公寤生驚

姜氏故名曰寤生遂惡之

寐寤而莊公已生故驚而惡之○林氏堯叟曰史記云生之難此當是難生故

武姜困而後寤惡鳥路反

愛共叔段欲立之

欲立以為太子

亟請於武公

○亟欺其反數

也公弗許及莊公即位為之請制

○為去聲制注見五年

公曰制

巖邑也。虢叔死焉。他邑唯命。

虢叔東虢君也。特制巖險而不修德，鄭滅之，恐段復然，故開以

他邑。虢國今榮陽縣。虢，瓜伯反。東虢，故城在今河南開封府汜水縣東十里。近榮陽界。

請京使居之，謂之京。

城大叔。

公順姜請使段居京，謂之京城。大叔言寵異於衆臣。京，鄭邑。今榮陽京縣。大音泰。今開封府榮陽縣東南二十里有京縣。故城

祭仲曰：都城過百雉，國之害也。

祭仲，鄭大夫。方丈曰堵，三堵曰雉。一雉之牆長三丈，高一

丈。侯伯之城方五里，徑三百雉，故其大都不得過百雉。祭，側界反。

先王之制，大都不過參國之

一，三分國城之一。

中，五之一；小，九之一。今京不度，非制

也。君將不堪。公曰：姜氏欲之，焉辟害？

焉，於。度，反。辟，

對曰：姜氏何厭之有？

厭，平聲。不如早爲之所，使得其宜。無

使滋蔓，蔓難圖也。蔓草猶不可除，况君之寵弟乎？

公曰多行不義必自斃子姑待之

斃踏也姑且也踏蒲北反

既而

大叔命西部北鄙貳於已

鄙鄭邊邑貳兩屬

公子呂曰國不

堪貳君將若之何

公子呂鄭大夫

欲與大叔臣請事之若弗

與則請除之無生民心

叔久不除則舉國之民當生他心

公曰無庸將自

及

言無用除之禍將自及

大叔又收貳以爲已邑

前兩屬者今皆取以爲已邑

至于

廩延

言轉侵多也廩延鄭邑陳留酸棗縣北有延津○即今開封府延津縣古酸棗城在縣北一說衛輝府汲縣有延津城蓋壤地相接也

子

封曰可矣厚將得衆

子封公子呂也厚謂土地廣大

公曰不義不暱厚

將崩

不義于君不親于兄非衆所附雖厚必崩○林氏堯叟曰不義之人不爲衆所親暱厚而無基將如墻然自然崩壞暱女乙反

大

叔完聚

完城郭聚人民

繕甲兵具卒乘

步曰卒車曰乘乘去聲下同

將襲鄭失

人將啟之

也。啟開也。

公聞其期曰可矣命子封帥車二百

乘以伐京

古者兵車一乘甲士三人步卒七十二人。帥朔律反。

京叛大叔段段入于

鄆公伐諸鄆五月辛丑大叔出奔共

共國今汲郡共縣。今河南衛輝府輝縣。

治書曰鄭伯克段于鄆段不弟故不言弟如二君

故曰克稱鄭伯譏失教也謂之鄭志不言出奔難

之也

傳言夫子作春秋改舊史以明義不早為之所而養成其惡故曰失教。段實出奔而以克為文明鄭伯志在於殺難言其奔。程子曰不書

奔義不繫于奔也難去聲。

遂寘姜氏于城穎

城穎鄭地。史記正義曰疑許州臨穎縣是今開封府臨穎縣西北十五

里有臨穎故城寘與買通。

而誓之曰不及黃泉無相見也

地中之泉。故曰黃泉。既

而悔之穎考叔為穎谷封人

封人典封疆者。水經注穎水出陽城陽乾山之穎谷。今河南府登

封縣即陽城也

聞之有獻於公。公賜之食。食舍肉。公問之對

曰。小人。有母。皆嘗。小人之食矣。未嘗君之羹。請以

遺之。

食而不啜羹。以發問也。宋華元殺羊為羹。饗士。蓋古賜賤官之常。舍。上聲。遺。去聲。下同。

公曰。爾有母

遺。繫我獨無。

繫。語助。繫。烏兮反。

穎考叔曰。敢問何謂也。

據武姜在。設疑也。

公語之故。

語。去聲。

且告之悔。對曰。君何患焉。若闕地及

泉。

闕。其月反。

隧而相見。其誰曰不然。

隧。若今延道。

公從之。公入

而賦。大隧之中。其樂也。融融。

賦。賦詩也。融融。和樂也。樂音洛。

姜出而

賦。大隧之外。其樂也。洵洵。

洵洵。舒散也。洵。羊世反。

遂為母子如初。

君子曰。穎考叔。純孝也。

純。猶篤也。

愛其母。施及莊公。

施。去聲。詩

曰孝子不匱永錫爾類其是之謂乎

不匱純孝也莊公雖失之於初孝心不忘

考叔感而通之所謂永錫爾類詩人之作各以情言君子論之不以文害意故春秋傳引詩皆不與今說詩者同他皆放此

○秋七月天王使宰咺來歸惠公仲子之賵緩且

子氏未薨故名

惠公葬在春秋前故曰緩也子氏仲子也薨在二年賵助喪之物○公羊傳喪事有賵賵者蓋以馬以乘馬

東帛車馬曰賵貨財曰賵衣被曰襚注以馬者謂士不備四也禮既夕曰公賵玄纁束帛兩馬是也乘馬者謂大夫以上備四也禮大夫以上至天子皆乘四馬所以通四方也

東帛謂玄三纁二

天子七月而葬同軌畢至

言同軌以別四夷之國 諸

侯五月同盟至

同在方

大夫三月同位至

古者行役不踰時

士踰

月外姻至

踰月度月也姻猶親也此言赴弔各以遠近為差因為葬節

贈死不及尸

尸未葬

○稱 弔生不及哀

諸侯已上既葬則練麻除無哭位諒闈終喪○顧氏炎武曰杜氏短喪之說每於解中見之而實非也

云不當既空

反哭之時 豫凶事非禮也

仲子在而來贈故曰豫凶事。按左氏誤以下文夫人子氏堯為即仲子故以

此年歸賈為豫凶事。程子以為仲子繫惠公而言謂惠公之仲子妾稱也。以夫人禮賈人之妾亂倫之甚也。胡氏亦曰春秋重嫡妾之分故特貶而書名以見宰之非宰皆不以左氏所傳為然也。沈氏堯中又云當是仲子堯時追及惠公與公羊兼賈之說合因併錄焉。

○八月紀人伐夷夷不告故不書

夷國在城陽莊武縣紀國在東莞劇縣隱十一

年傳例曰凡諸侯有命告則書不然則否。史不書於策故夫子亦不書於經。傳見其事以明春秋例也。他皆放此。○今山東萊州府即墨縣西有莊武故城青州府壽光縣東南有紀城齊乘云即劇城也。夷國姁姓堯音官。有蜚不為災亦不書。蜚負蟻也。莊二

十九年傳例曰凡物不為災不書。又于此發之者明傳之所據非唯史策兼米簡牘之記他皆放此。○蜚扶味反。蟻音煩。孔疏蜚臭蟲也。一名負蟻。作負蟻誤。

○惠公之季年敗宋師于黃

黃宋邑陳留外黃縣東有黃城。敗音拜。敗他也。後放此。○外黃故縣

在今開封府杞縣東北

公立而求成焉。九月及宋人盟于宿。始通

也。經無義例，故傳直言其歸，起而已。他皆放此。○起去聲。

○冬十月庚申，改葬惠公。公弗臨，故不書。

以桓為太子，故隱公讓而

不敢為喪主，隱攝君政，故據隱而言。

惠公之薨也，有宋師，太子少

少，葬故

有關，是以改葬。衛侯來會葬，不見公，亦不書。

諸侯會葬，非禮。

也不得接，公成禮，故不書于策。他皆放此。衛國在汲郡朝歌縣。朝歌故城在今河南衛輝府淇縣東北。

○鄭共叔之亂，公孫滑出奔衛。

公孫滑，公叔段之子。滑于八反。

衛人為

之伐鄭。

為，去聲。

取廩，延鄭人，以王師號師伐衛南鄙。

西

號，國也。弘農陝縣東南有號城。今河南府陝州即陝縣。

請師於邾。邾子使私於公子豫。

公子豫，魯大夫。私，請師。

豫請往，公弗許。遂行。及邾人、鄭人盟于翼。

翼邦地。○在今山東兗州府費縣西南。不書。非公命也。

○新作南門。不書。亦非公命也。非公命不書。三見者皆與作大事各舉以備文。

○十二月祭伯來。非王命也。

○衆父卒。衆父。公子益師。字。衆音終。公不與小斂。故不書日。禮卿佐之喪。小

斂。大斂。君皆親臨之。崇恩厚也。始死情之所篤。禮之所崇。故以小斂為文。至于但臨大斂。及不臨其喪。亦同不書日。○程子曰。或日或不日。因舊史也。與去聲。

斂力。驗反。

經二年春公會戎于潛。戎。狄夷蠻皆氏羗之別種也。戎而書會者。順其俗以為禮。皆謂居中國若戎子駒支。

者。陳留濟陽縣東南有戎城。潛魯地。○林氏克叟曰。會戎于潛。春秋之始。曾黃池春秋之終。氏都分及濟上聲。水名。凡地名皆同。故戎城在今山東兗州府曹縣潛蓋近戎之地。○夏五月莒人入向。向。小國也。譙國龍亢縣東南有向城。莒國今城陽莒

縣也將卑師少稱人弗地曰入例在襄十三年。向舒亮及亢音剛。今江南鳳陽府懷遠縣西四十里有故縣村。漢置向縣。龍亢在其西。顧氏炎武曰。龍亢在今鳳陽之懷遠。疑遠于欽齊。乘言今沂州西南一百里。有向城鎮。近是莒縣。今山東去月州府莒州是也。

○無駭帥師入極

無駭魯卿極附庸小國。無駭不書氏。未賜族。賜族例在八年。林氏堯叟曰。無駭帥師大夫專兵之端見矣。駭戶楷反。今山東兗州府魚臺縣西有極亭。

秋八月庚辰公及戎盟于唐

高平方與縣北有武唐亭。八月無庚辰。庚辰七月九日也。日月必有

誤。孔疏杜勤經傳上下日月制為長曆。此年八月壬寅朔。其月三日甲辰十五日丙辰。二十七日戊辰。其月無庚辰也。七月壬申朔。則九日有庚辰。武唐亭

在今山東兗州府魚臺縣東十二里。

○九月紀裂繻來逆女

裂繻紀大夫傳曰。卿為君逆也。以別卿自逆也。逆女

或稱使或不稱使。昏禮不稱主人。史各隨其實而書。非例也。他放此。繻音須。

○冬十月伯姬歸于紀

伯姬

魯女裂繻所逆者。

○紀子帛莒子盟于密

子帛裂繻字也。莒魯有怨。紀侯既昏于魯。使大夫盟莒以和解。

之子帛為魯結好。息民故傳曰。魯故也。比之內大夫而在莒子上稱字。以嘉之也。字例在閏元年。密莒邑。城陽淳于縣東北有密鄉。程子曰。闕文也。當云紀

侯某伯莒子盟于密左氏附會作臬杜預以為裂繻之字春秋無大夫在諸侯上者公羊穀梁皆作伯家氏鉞翁曰于蔑內盟之始于密外盟之始內外盟必書志東遷諸侯無所統一自相為盟也密鄉故城在今山東萊州府昌邑縣東南十五里 ○十有二月乙卯夫

人子氏薨

無傳植未為君仲子不應稱夫人隱讓桓以為天子成其母喪以赴諸侯故經於此稱夫人也不反哭故不書葬例在三年

年○按穀梁傳夫人者隱之妻也卒而不書葬夫人之義從君者也夫春秋隱稱公則妻稱夫人無可疑者林曰桓母公羊曰隱母均失之矣 ○

鄭人伐衛

凡師有鐘鼓曰伐例在莊二十九年

傳二年春公會戎于潛修惠公之好也戎請盟公

辭

許其修好而不許其盟禦夷狄者不壹而足

○莒子娶于向向姜不安莒而歸夏莒人入向以

姜氏還

傳言失昏姻之義凡得失小故經無異文而傳備其事案文則是非足以為戒他皆放此○還音旋後皆同

○司空無駭入極費卒父勝之

魯司徒司馬司空皆卿也本父費伯也前年城郎今因得

以勝極故傳於前年發之○本音琴

○戎請盟秋盟于唐復脩戎好也

○復扶又反

○九月紀裂繻來逆女卿為君逆也

○為去聲

○冬紀子帛莒子盟于密魯故也

○按啖氏助以為此左氏附會

○鄭人伐衛討公孫滑之亂也

治元年取康廷之亂

經三年春王二月己巳日有食之

無傳日行遲一歲一周天月行疾一月一周天一歲

凡十二交會然日月動物雖行度有大星不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事今釋例以長歷推經傳明此食是二月朔也不書朔史失之書朔日例在桓十七年○按日遲月疾歷家之說也朱子有定論縮所六反○三月

庚戌天王崩

周平王也實以壬戌崩欲諸侯之速至故遠日以赴春秋不書實朋日而書遠日者即傳其偽以懲創臣子之過也襄二

十九年傳曰鄭上卿有事使印段如周會葬今不書葬魯不會○劉氏啟曰赴以庚戌史自當書庚戌聖人雖欲遷正亦不可得豈故傳其偽者乎○

夏四月辛卯君氏卒

禮不敢從正君之禮故亦不敢備禮於其母○君公穀胡傳並作尹

○秋武

氏子來求賻

武氏子天子大夫之嗣也平王喪在殯新王未得行其葬命聽于冢宰故傳曰王未葬釋其所以稱父族又不稱使也魯

不共奉王喪致令有求經直文以示不敬故傳不復具釋也○公羊傳稱武氏子何父卒子未命也程子曰武氏王之卿士稱武氏見其世官賻音附共音恭

○八月庚辰宋公和卒

稱卒者畧外以別內也元年大夫盟于宿故赴以名例在七年○程氏端學曰諸侯

書卒正也書薨者臣子之詞也故內書薨而外書卒

○冬十有二月齊侯鄭伯盟于

石門

來告故書石門齊地或曰濟北盧縣故城西南濟水之門○魯氏洽曰

蓋齊方盛強而鄭之深憾專在于宋故鄭莊恃齊以敵之雖齊間與宋盟好而左右離間必使惟己之從是以石門之盟雖不寒而宋與許紀許國交受

伐春秋詳書于策將使後人考其本末而知鄭莊多詐齊信不疑二國相與之圖列國並被其禍也注氏克寬曰左傳尋盧之盟則春秋之前齊鄭已有盟陳氏以石門之盟為諸侯之合特據春秋所書以立義耳元年盟茂已特相盟然僅與附庸同軌非關于天下之故惟石門乃桀黜之端故特書之盧縣故城在今山東濟南府長清縣西南 ○癸未葬宋穆公

無傳魯使大夫會葬故書始死書卒史在國承赴為君故

惡其薨名改赴書也書葬則舉諡稱公者會葬者在外據彼國之辭也書葬例在昭六年

傳三年春王三月壬戌平王崩赴以庚戌故書之

○夏君氏卒聲子也不赴于諸侯不反哭于寢不

祔于姑故不曰薨不稱夫人故不言葬

夫人喪禮有三薨則赴于同盟

之國一也既葬日中自墓反虞于正寢所謂反哭于寢二也卒哭而祔于祖姑三也若此則書曰夫人某氏薨葬我小君某氏此備禮之文也其或不赴不祔則為不成喪故死不稱夫人薨葬不言葬我小君某氏反哭則書葬不反哭則不書葬今聲子三禮皆闕釋例論之詳矣○祔音附 不書

姓為公故曰君氏

不書姓辟正夫人也。隱見為君故特書于經。稱曰君氏以別凡妾媵。按胡傳尹氏天子大夫世執

朝權為周階亂因其告喪以氏書者志世卿非禮為後鑒也。此從公穀二家及程子之說考古未有稱君母為君氏者則左氏之失矣疑焉為去聲。

○鄭武公莊公為平王卿士

卿士王卿之執政者。言父子秉周之政。

王貳子

號

號西號公亦仕王朝王欲分政于號不復專任鄭伯

鄭伯怨王王曰無之故周鄭交

質王子狐為質于鄭鄭公子忽為質于周

王子狐平王子。質皆致

王崩周人將畀號公政

周人遂成平王本意。界必二反。

四月鄭祭足帥

師取溫之麥秋又取成周之禾

四月今二月也秋今之夏也。麥禾皆未熟言取者蓋踐

之溫今河內溫縣成周洛陽縣也。按此以夏正紀事也左氏雜取諸侯史策有用周正者有用夏正者杜謂取麥取禾蓋踐之非也溫屬本屬河南

懷慶府古溫城在縣西南三十里。河南府洛陽縣東北有洛陽故城。

周鄭交惡

兩相疾惡。惡鳥路反。

君子曰信

不由中質無益也。明恕而行。

明則此心相知恕則不責其所不及

要之以

禮

要平聲

雖無有質誰能間之。苟有明信澗谿沼沚之

毛

谿亦澗也沼池也。沚小渚也。毛草也。

蘋藪菹藻之菜

蘋大萍也。藪蟠蒿。菹藻聚藻也。筐也。藪紆粉反。筐滿多反。白蒿也。

筥錡釜之器

方曰筥。圓曰釜。無足曰錡。有足曰錡。錡其綺反。

潢汙行潦之水

潢汙滄水行潦流潦

潢音黃。潦音老。

可薦於鬼神。可羞於王公。

羞進也。

而况君子結二

國之信。行之以禮。又焉用質。

通言盟約彼此之情。故言二國。

風有采蘋

采蘋

采蘋采蘋詩國風。義取於不嫌薄物。

雅有行葦河酌

詩大雅也。行葦篇義取忠厚也。河酌篇義取維行潦

可以共祭祀也。

昭忠信也。

明有忠信之行。雖薄物皆可為用。

○武氏子來求賻。王未葬也。

○宋穆公疾，召大司馬孔父而屬殤公焉。○屬，章欲反。曰：

先君舍與夷而立寡人

先君穆公兄宣公也，與夷宣公子，即所屬殤公。○今上聲。

寡人弗

敢忘。若以太夫之靈，得保首領以沒，先君若問與

夷，其將何辭以對？請子奉之，以主社稷。寡人雖死，

亦無悔焉。對曰：羣臣願奉馮也。

馮，穆公子莊公也。○馮，皮水反。

公曰：不

可。先君以寡人爲賢，使主社稷。若弃德不讓，是廢

先君之舉也。豈曰能賢？

言不讓則不足稱賢。

光昭先君之令德，可

不務乎？吾子其無廢先君之功。

先君以舉賢爲功，我若不賢，是廢之。

使公

子馮出居于鄭。

辟殤公也。

八月庚辰，宋穆公卒，殤公即位。

君子曰宋宣公可謂知人矣立穆公其子饗之命

以義夫

命出於義也夫語助。夫音扶。

商頌曰殷受命咸宜百祿是荷

其是之謂乎

詩頌言殷湯武丁受命皆以義故任荷天之百祿也師義而行則殤公宜受此命宜荷此祿公子馮不帥父義忿而出奔

因鄭以求入終傷咸宜之福故知人之稱唯在宣公也殷禮有兄弟相及不必傳子孫宋其後也故指稱商頌。按傳引商頌義取宣公知人命弟以義其子卒饗其福杜氏不免曲解荷河可反任平聲之稱去聲。

○冬齊鄭盟于石門尋盧之盟也

盧盟在春秋前盧齊地今濟北盧縣故城

庚

戌鄭伯之車僨于濟

既盟而過大風傳記異也十二月無庚戌日僨。僨弗問反。禹貢導沈水東流為濟。齊傳濟

水出河東郡垣曲縣王屋山至青州博興縣入海今垣曲屬山西平陽府博興屬山東青州府

○衛莊公娶于齊東宮得臣之妹曰莊姜

得臣齊太子也太子不敗

居上位故

美而無子。衛人所爲賦。碩人也。

碩人詩。我取莊姜。美于色。賢于德。而

不見答。終以無子。國

人愛之。○爲去聲。

又娶于陳。曰厲嬀。生孝伯。早死。

陳今陳國。陳

○即今河南開封

府陳州。嬀。九危反。

其娣戴嬀。生桓公。莊姜以爲己子。

嬀。陳姓也。厲。戴

皆譏。雖爲莊姜子。

然大子之位未定。

公子州吁。嬀人之子也。

嬀。親幸也。嬀音開。嬀而得幸曰嬀。

有寵

而好兵。公弗禁。莊姜惡之。石碏諫曰。臣聞愛子。教

之以義方。

石碏。衛大夫。碏。七畧反。

弗納於邪。驕奢淫泆。

泆。夷質反。

所自

邪也。四者之來。寵祿過也。將立州吁。乃定之矣。若

猶未也。階之爲禍。

言將立爲大子。則宜早定。若不早定。州吁必緣寵而爲禍。

夫寵而不驕。

驕而能降。降而不憾。憾而能矜者。鮮矣。

如此者少也。降其身則必恨。恨

則思亂不能自安自重。○賤之忍反。且夫賤妨貴，少陵長。○少去聲，長上反。

遠間親，新間舊。○間，去聲。小加大。○小國而加兵於大國，如息侯伐鄭之淫比。○或訓妾加於夫，亦通比去聲。

破義，所謂六逆也。君義，臣行，父慈，子孝，兄愛，弟敬。

所謂六順也。○臣行君之義。去順效逆。○去上聲，下同。所以速禍也。君

人者，將禍是務去而速之，無乃不可乎？弗聽。其子

厚與州吁游，禁之不可。桓公立，乃老。○老，致仕也。四年，經書州吁弑其君，故傳先

經以始事。○先去聲。

經四年春，王二月，莒人伐杞，取牟婁。○無傳，善取言最。○在襄十三年，杞國本

都陳留雍邱縣，推尋事跡，桓六年，淳于公亡國，杞似并之。遷都淳于，僖十四年，又遷緣陵，襄二十九年，晉人城杞之淳于，杞又遷都淳于，牟婁，杞邑，城陽，據

東北方姜鄉。○胡傳取者收奪之名。雍去聲。雍邱縣今河南開封府杞縣是也。山東青州府安邱縣有淳于故城。婁鄉城在青州府諸城縣境。

○戊申衛州吁弑其君完

稱臣弑君臣之罪也。例在宣四年。戊申三月十七日有日而無月。

夏公及宋公遇于清

遇者草次之期。二國各簡其禮。若道路相逢也。清衛邑。濟北東阿縣有清亭。東阿縣

今屬山東兗州府。

○宋公陳侯蔡人衛人伐鄭

胡傳首謀在衛而以宋主兵何也。陳陽不恤

衛有弑君之難。欲定州吁而從其邪說。故以宋公為首。諸國為從。林氏堯叟曰：此東諸侯分黨之始。於是齊鄭一黨也。魯宋陳蔡衛一黨也。東諸侯分黨而天下始多故矣。

○秋翬帥師會宋公陳侯蔡人衛人伐鄭

公子

大夫不稱公子。疾其固請強君以不義也。諸外大夫則皆稱人。至于內大夫則則皆去族。稱名於記事之體。他國可言某人而已。國之卿佐不得言魯人。此所以為異也。章溺去族。傳曰疾之叔孫豹則曰言違命。此其例也。○翬許歸反。強其文反。去上聲。○按經書翬帥師。則翬之專兵可知。不繫于公子之去不也。孫氏復謂翬不氏。未命也。似為得之。程子曰：再序四國重言。○九月衛人其罪左氏以為再伐也。林氏堯叟曰：此大夫專將之始。

○九月衛人

殺州吁于濮

州吁弑君而立未列於會故不稱君例在成十六年濮陳地水名。濮音卜。公羊傳其稱人何討賊之辭也。劉氏故曰杜

氏云未列於會故不稱君是篡弑之人已會諸侯則無咎矣此豈王法哉

○冬十有二月衛人立晉

衛人逆公子晉而立之善其得衆故不書入于衛變文以示義例在成十八年

傳四年春衛州吁弑桓公而立

○公與宋公爲會將尋宿之盟未及期衛人來告

亂夏公及宋公遇于清

宿盟在元年。林氏堯叟曰因衛亂而簡其禮以相見

○宋殤公之即位也公子馮出奔鄭鄭人欲納之

及衛州吁立將脩先君之怨於鄭

謂二年鄭人伐衛之怨

而求寵

於諸侯以和其民

諸篡立者諸侯既與之會則不復討故欲求此寵

使告於宋曰君

若伐鄭以除君害

害謂宋公子馮

君爲主。敝邑以賦與陳蔡。

從則衛國之願也。

言舉國之賦調從調並去聲

宋人許之。於是陳蔡

方睦於衛。

蔡今汝南上蔡縣。上蔡縣今屬河南汝寧府。縣西南十里有故蔡國城。

故宋公陳侯蔡

人衛人伐鄭。圍其東門。五日而還。公問於衆仲曰。

衛州吁其成乎。

衆仲魯大夫。衆平聲。

對曰。臣聞以德和民。不聞

以亂。

亂謂阻兵而安忍。

以亂。猶治絲而棼之也。

絲見於緼。蓋所以亂。棼音墳。緼於云反。

夫州吁阻兵而安忍。阻兵無衆。安忍無親。衆叛親

離。難以濟矣。

恃兵則民殘。民殘則衆叛。安忍則刑過。刑過則親離。

夫兵猶火也。弗戢將

自焚也。夫州吁弑其君而虐用其民。於是乎不務

令德而欲以亂成，必不免矣。

○秋，諸侯復伐鄭，宋公使來乞師。

乞師不書，非卿。

公辭之。從衆。

仲之言。

羽父請以師會之。

羽父公子翬。

公弗許，固請而行，故書。

曰：翬帥師，疾之也。諸侯之師，敗鄭徒兵，取其禾而

還。

時鄭不車戰。

○州吁未能和其民，厚問定君於石子。

石子，石碯也。以州吁不安，諸其

父。石子曰：王覲爲可。曰：何以得覲？曰：陳桓公方有寵

於王，陳衛方睦，若朝陳使請，必可得也。厚從州吁

如陳，石碯使告于陳曰：衛國褊小，老夫耄矣，無能

爲也。此二人者，實弑寡君，敢即圖之。

八十曰耄，稱國小已老，自謙以委陳使，因

其往就圖之。

陳人執之，而請蒞于衛。

請衛人自臨討之。

九月，衛人使右

宰醜、蒞殺州吁于濮，石碯使其宰孺羊肩蒞殺石

厚于陳。

孺，奴侯反。

君子曰：石蜡，純臣也；惡州吁而厚與

焉。

惡，烏路反，與音預。

大義滅親，其是之謂乎？

子從弑君之賊國之大逆，不可不除，故曰大義滅親。

明小義則當兼子愛之。

○衛人逆公子晉于邢。

邢，注見五年。

冬十二月，宣公即位。

公子晉也。書曰：衛人立晉衆也。

按公羊傳立者不宜立也，其稱人何？衆之所欲立也，衆雖欲立之，其立之非也，立

說更恣，完備。

經五年春公矢魚于棠

書陳魚以示非禮也書棠譏遠地也今高平方與縣北有武唐亭魯侯觀魚堂。今

兗州府魚臺縣魚亭山是其處也

○夏四月葬衛桓公○秋衛師入郕

師衆但稱師此史之常也

○九月考仲子之宮初獻六羽

成仲子宮安其主而祭之惠公

以仲子手文娶之欲以為夫人諸侯無二嫡蓋隱公成父之志為別立官也公問羽數故書羽婦人無諡因姓以名宮○服氏虔曰官廟初成祭之名為考孫

氏覺曰凡舞有干羽此不言干但言羽者婦人無武事但陳羽舞也

○邾人鄭人伐宋

邾主兵故序鄭上

無傳蟲食苗心者為災故書○螻音冥

○冬十有二月辛巳公子彊卒

大夫書卒不書

葬葬者臣子之事非公家所及○彊苦侯反

○宋人伐鄭圍長葛

潁川長社縣北有長葛城○在今河南開

封許許州長葛縣北十二里

傳五年春公將如棠觀魚者

○孔疏捕魚謂之魚

臧僖伯諫曰凡

物不足以講大事

臧僖伯公子彊也傳謚也大事祀與戎○孔疏傳伯字子臧其孫始得以王父字為氏今加臧于僖

伯之上以其為臧氏

之祖傳家追言之也

其材不足以備器用則君不舉焉

謂材

皮革齒牙骨角毛羽

也器用軍國之器

君將納民於軌物者也故講事以度

軌量

○講習大事以準度軌法度量度待洛反

謂之軌取材以章物采

○取鳥獸之材以章明物

色采飾

謂之物不軌不物謂之亂政亂政亟行所以敗

也

言器用象物不入法度則為不軌不物亂敗之所起○亟欺其反

故春蒐夏苗秋獮冬狩蒐

擇取不孕者苗為苗除害也獮殺也以殺為名順秋氣也狩圍守也冬物畢成獲則取之無所擇也○蒐所求反獮息淺反索所百反

皆於

農隙以講事也

各隨時事之間○隙去逆反

三年而治兵入而振旅

雖

時講武猶復三年而大習出曰治兵始治其事入曰振旅治兵禮畢整衆而還振整也旅衆也

歸而飲至以數軍實

飲于廟以數車徒器械

昭文章

車服

明貴賤辨等列

等列順

少長

出則少者在前還則在後所謂順也

習威儀也。鳥獸之肉不登於俎

俎祭宗廟器

皮革齒牙骨角毛羽不登於器

謂以飾法度之器

則公

不射

射食亦反

古之制也。若夫山林川澤之實器用之

資阜隸之事官司之守非君所及也

士臣阜阜臣與與臣隸言取此雜猥之物

以資器備是小臣有司之職非諸侯之所親也。阜才早反。器用謂居常器用

公曰吾將畧地焉

孫辭以畧地畧

攝進行之名傳曰東畧之不知西則否矣。行下孟反

遂往陳魚而觀之

陳設張也公大設捕魚之備而觀之

僖

伯稱疾不從

從去聲

書曰公矢魚于棠非禮也且言遠

地也

矢亦陳也棠實地他竟故曰遠地

○曲沃莊伯以鄭人邢人伐翼

曲沃晉別封成師之邑在河東聞喜縣莊伯成師子也翼

晉舊都在平陽絳邑縣東邢國在廣平襄國縣。沃烏毒反。聞喜縣今屬山西平陽府翼今平陽府翼城縣是也。縣東南有古翼城襄國故城在直隸順

德府邢臺

王使尹氏武氏助之翼侯奔隨

尹氏武氏皆周世族大夫也。晉內相

攻伐不告亂故不書傳具其事為後晉事張本。曲沃及翼本末。見桓二年。隨晉地。今介休縣東有古隨城屬山西汾州府。

○夏葬衛桓公衛亂是以緩

有州吁之亂。四月乃葬。傳明其非慢也。

○四月鄭人侵衛牧

牧衛邑。經書夏四月葬衛桓公。今傳直言夏而更以四月附鄭人侵衛牧者。於下。事宜得月以

明事之先後故不復備舉。經文三年君氏卒其義亦同。他皆放此。牧今汲縣地也。屬河南衛輝府。

以報東門之役

東門役在

四年衛人以燕師伐鄭

南燕國今東郡燕縣。今汲縣西有古東燕城。孔疏燕有二國。一稱北燕。故此注言南燕以別之。

鄭祭足原繁洩駕以三軍軍其前使曼伯與子元

潛軍軍其後燕人畏鄭三軍而不虞制人

北制鄭邑今河南成皋縣

也一名虎牢。洩息列反。今汜水。

縣西有虎牢城屬河南開封府。

六月鄭二公子以制人敗燕

師于北制

二公子曼伯子元也。顧氏炎武曰子元疑即厲公字昭十一年申無字曰鄭莊公城濮而其子元焉使昭公不立杜以為別

一人非也六年突為三覆以敗戎桓五年子元為二拒以敗王師固即一人而或稱字或稱名耳

君子曰不備不虞

不可以師

○曲沃叛王秋王命虢公伐曲沃而立哀侯于翼

春翼侯奔隨

故立其子光

○衛之亂也邠人侵衛故衛師入邠

邠國也東平曰父癸西南有邠鄉。今山

東兗州府寧陽縣北有盛鄉城是也埋城壩即剛父故縣

○九月考仲子之宮將萬焉

萬舞也。萬舞者文武二舞之總名。

公問羽

數於衆仲

問執羽人數

對曰天子用八

八八六十四人

諸侯用六

六六三十六人

大夫四

四四十六人

士二

二二四八人

夫舞所以節八音而行

八風

八音金石絲竹匏土革木也。八風八方之風也。以八音之器播八方之風乎之舞之足之蹈之節其制而序其情。

故自八

以下

唯天子得盡物數故以八。為列諸侯則不敢用八。

公從之。於是初獻六羽始用

六佾也

魯唯文王周公廟得用八而他公遂因仍僭而用之。今隱公特立此婦人之廟詳問衆仲衆仲因明大典故傳亦因言始用六佾其後季

氏舞八佾于庭知唯在仲子廟用六

○宋人取邾田邾人告於鄭曰請君釋憾於宋敝

邑為道

釋四年再見伐之恨。道音導。

鄭人以王師會之

王師不書不以告也。汪氏克寬曰鄭莊

是時為王卿士故擅與天子鄉
遂之兵非王室遣將故不書

伐宋入其郛以報東門之役

郛郛也東門役在
四年。郭芳夫反

宋人使來告命

告命
策書

公聞其入郛也將

救之問於使者曰

使
去聲

師何及對曰未及國

忽公知而故
問責窮辭

公怒乃止辭使者曰君命寡人同恤社稷之難今

問諸使者曰師未及國非寡人之所敢知也

為七年公
伐郛傳

○冬十二月辛巳臧僖伯卒公曰叔父有憾於寡

人諸侯稱同姓大夫長曰伯父少
曰叔父有恨恨諫觀魚不聽

寡人弗敢忘葬之加一等

命加

服之
等

○宋人伐鄭圍長葛以報入郛之役也

經六年春鄭人來渝平

和而不盟曰平。渝羊朱反。

○夏五月辛酉

公會齊侯盟于艾

泰山牟縣東南有艾山。在今山東青州府蒙陰縣西北。

○秋七月

雖無事而

書首月日四時以成歲也。他皆放此。

○冬宋人取長葛

秋取冬乃告也。上有伐鄭圖。長葛長葛縣邑。可知故不書。

鄭也。前年冬圍不克而還。今冬乘長葛無備而取之。言易也。○劉氏曰：左氏作秋。杜氏云：秋取冬來告非也。史之記事雖據赴告而書。至其日月猶當依先後次序。豈得但據告時編之乎？然左傳日月與經不同者多。或邱明作書雜取當時諸侯史策有用夏正者。有用周正者。故經所云冬。傳謂之秋也。按前圖今取諸家並云一役。杜氏分為兩役。亦非。

傳六年春鄭人來渝平更成也

渝變也。公之為公子戰于狐壤。為鄭所執。逃歸。怒鄭鄭伐。

宋公欲救宋。宋使者失辭。公怒而止。忿宋則欲厚鄭。鄭因此而來。故經書渝平。傳曰更成。○孔疏：變即更之義。成即平之訓。自狐壤以來。與鄭不和。今日復和。故曰更成。言更復狐壤以前之好也。按渝平。公穀並作輸平。胡傳輸平也。平者成也。鄭人納成于魯也。注氏克寬曰：輸之為言。必有貨賂行乎其間。而非虛言求。

平矣乃鄭志而非

魯志也更音庚

○翼九宗五正頃父之子嘉父逆晉侯于隨

翼晉舊都也唐

叔始封受懷姓九宗職官五正遂世為晉強家五正五官之長九宗一姓為九族也頃父之子嘉父晉大夫○頃音傾納諸鄂晉

人謂之鄂侯

鄂晉別邑諸地名疑者皆言有以示不審闕者不復記其闕他皆放此前年桓王立此侯之子於翼故不得復

入翼別居鄂○在今山西平陽府鄉寧縣南

○夏盟于艾始平于齊也

春秋前魯與齊不平今乃弃惡結好故言始平于齊

○五月庚申鄭伯侵陳大獲往歲鄭伯請成于陳

成猶正也陳侯不許五父諫曰親仁善鄰國之寶也君其

許鄭

五父陳公子佗

陳侯曰宋衛實難

可畏難也難去聲

鄭何能為遂不

許君子曰善不可失惡不可長其陳桓公之謂乎長

惡不悛從自及也

悛止也從隨也

雖欲救之其將能乎商書

曰惡之易也如火之燎于原不可鄉邇

商書盤庚言惡易長如火焚原

野不可鄉近鄉去聲

其猶可撲滅

言不可撲滅

周任有言

周任周大夫

曰爲國

家者見惡如農夫之務去草焉芟夷蕪蕪崇之絕其

本根勿使能殖則善者信矣

芟刈也夷殺也蕪積也崇聚也去上聲蕪紆粉反信音申

○秋宋人取長葛

○冬京師來告饑公爲之請糴于宋衛齊鄭禮也

告饑不以王命故傳言京師而不書于經也雖非王命而公共以稱命已國不足旁請鄰國故曰禮也傳見隱之賢○爲去聲共音恭

○鄭伯如周始朝桓王也

桓王即位周鄭交惡至是乃朝故曰始

王不禮

周桓公言於王曰我周之東遷晉鄭焉依

周桓公周公黑肩也周米

地扶風雍縣東北有周城幽王為犬戎所殺平王東徙晉文侯鄭武公左右王室故曰晉鄭焉依。周城在今陝西鳳翔府岐山縣南焉依如字或於虔反非

善鄭以勸來者猶懼不訖

訖至也。訖其器反

况不禮焉鄭不

來矣

為桓五年諸侯從王伐鄭傳

經七年春王三月叔姬歸于紀

無傳叔姬伯姬之姊也至是歸者待年於父母國不與媾

俱行故書。何氏休曰媵賤書者後為嫡終有賢行記侯為齊所滅紀季以鄩入于齊叔姬歸之能處隱約全竟婦道故重錄之

○滕侯

卒

傳例曰不書名未同盟也滕國在沛國公邱縣東南今山東兗州府滕縣西南十五里有古滕城即滕國

○夏城中邱

城例在莊二十九年中邱在琅邪臨沂縣東北今兗州府沂州東北三十里有中邱城

○齊侯使其弟年來

聘

諸聘皆使卿執玉帛以相存問例在襄九年

○秋公伐邾○冬天王使凡伯

來聘戎伐凡伯于楚邱以歸

凡伯周卿士凡國伯爵也汲郡共縣東南有凡城戎鳴鐘鼓以

伐天子之使見夷狄強越不書凡伯敗者單使無眾非戰陳也但言以歸非執也楚邱衛地在濟陰成武縣西南○武浦報反○凡縣故城在今河南衛

輝府輝縣西南二十里楚邱今兗州府曹縣東楚邱亭是也

傳七年春滕侯卒不書名未同盟也

○程子曰不名史闕文也孫氏覺日記卒

記名者即位之初以名赴我我因其卒得以名之于冊也卒而不名者即位之初不赴于我或史失之不得記其名也故春秋記外諸侯之卒一百三十有三而無名者十必若以盟會求之則未嘗與者五十二而不名者九耳未可通也凡諸侯同盟於是稱名

故薨則赴以名

盟以名告神故薨亦以名告同盟

告終稱嗣也以繼好息

民

告亡者之終稱嗣位之主嗣位之主當奉而不忘故曰繼好好同則和親故曰息民○好去聲

謂之禮經

此言凡例乃周公所制禮

經也。十一年不告之例。又曰。不書于策。明禮經皆當書于策。仲尼修春秋皆承策為經。邱明之傳博采眾記。故始開凡例。特顯此二句。他皆放此。○趙氏匡曰。諸侯同盟。名于載書。朝會名于要約。聘告名于前牘。故子卒赴可知。而紀也。左氏曰。同盟則赴以名。豈有臣子當創巨痛深之目。乃忍稱君之名。禮篇所錄云。寡君不祿而已。

○夏城中邱書不時也

○齊侯使夷仲年來聘。結艾之盟也。

艾盟在六年

○秋宋及鄭平。七月庚申盟于宿。公伐邾為宋討

也。

公距宋而更與鄭平。欲以鄭為援。今鄭復與宋盟。故懼而伐邾。欲以求宋。故曰為宋討。

○初戎朝于周。發幣于公卿。凡伯弗賓。

朝而發幣於公卿。如今計獻幣。

公府卿寺。○林氏堯叟曰。如今奉使而私親之禮。

冬王使凡伯來聘。還戎伐之于楚。

邱以歸

傳言尼伯所以見伐

○陳及鄭平

六年鄭侵陳大獲今乃平

十二月陳五父如鄭涖盟

也

壬申及鄭伯盟歆如忘

志不在於歆血。歆色洽反忘去聲

洩伯曰五父必

不免不賴盟矣

洩伯鄭洩駕

鄭良佐如陳涖盟

良佐鄭大夫

辛巳

及陳侯盟亦知陳之將亂也

入其國觀其政治故總言之也皆為桓五年六年陳亂蔡人殺陳作傳

○鄭公子忽在王所故陳侯請妻之

以忽有王寵故。妻去聲

鄭伯

許之乃成昏

為鄭忽失齊昏援以至出奔傳

經八年春宋公衛侯遇于垂

垂衛地濟陰句陽縣東北有垂亭。古侯反。今山東兗州府曹州

北句陽店是其地也

○三月鄭伯使宛來歸祊

宛鄭大夫

不書氏未賜族祊鄭起泰山之邑

東南。宛於阮反。枋必彭反。今兗州府費縣治故枋城是也。

庚寬我入枋

桓元年乃卒易枋田。知此入枋未肯受而有之。

○張氏洽曰：因鄭歸我使

吏治其地政而主有之。

○夏六月己亥蔡侯考父卒

無傳。襄六

年傳曰：杞桓公卒，始赴以名同盟，故也。諸侯同盟，稱名者非唯見在位二君也。

書與其父同盟，則亦以名赴其子，亦所以繼好也。蔡未與隱盟，蓋春秋前與惠

公盟，故赴以名。

○見賢遍反。

辛亥宿男卒

無傳。元年宋魯大夫盟于宿，宿與盟也。晉荀偃禱河，稱齊晉君名，然後自稱名，知維

大夫出盟亦當先稱己君之名，以敬神明，故竟皆從身盟之例，當告以名也。傳

例曰：赴以名則亦書之，不然則否，辟不敏也。今宿赴不以名，故亦不書名。諸例

或發於始事，或發於後者，因宜有所異同，亦或邱明所得

記注本末不能皆備，故○孫氏覺曰：此與滕侯不名同例。

○秋七月庚

午宋公齊侯衛侯盟于瓦屋

齊侯尊宋使主會，故宋公序齊上瓦屋周地。今河南開封府

洧川縣南二十里瓦屋里是其地。陳氏傳良曰：諸侯之參盟于瓦屋始有參盟

然後有主盟。接二年于密，已是參盟，特皆小國。若大國參盟則自瓦屋始耳。

○八月葬蔡宣公

無傳。三月而葬。

○九月辛卯公及莒人盟

于浮來

昔人織者不嫌敵公侯故直稱公制在傳二十九年浮來紀邑東宛縣北有邳鄉邳鄉西有公來山號曰邳來間邳蒲悲反今山東青

州府莒州西二

十里有浮來

○螟無傳○冬十有二月無駭卒

公不與小侯故不書日本

而後賜族故不書氏。胡傳諸侯之子為大夫則稱公子其孫也而為大夫則稱公孫公孫之子與異姓之臣未賜族而身為大夫則稱名已賜族而使之世為大夫則稱族古者置卿必求賢德不以世官春秋之初猶為近古故無駭與決皆書名耳

傳八年春齊侯將平宋衛

平宋衛於鄭

有會期宋公以幣

請於衛請先相見

宋敬齊命

衛侯許之故遇于犬邱

犬邱垂也地有

兩名。李氏庶曰垂之遇左氏以宋衛有怨于鄭而齊欲平之蓋鄭之怨衛因公孫滑宋之怨鄭因公子馮其說似有據然考之于經後此瓦屋止三國參盟而不及鄭十年入鄭伐戴之師又二國為黨以讐鄭則宋衛此謀蓋有志于從齊黨而無意於釋鄭憾也齊僖亦不過假此以求諸侯耳豈真有平怨之本心哉王氏樵曰宋衛素睦而鄭其深讎也齊侯將平宋衛于鄭既有會期矣宋衛乃請先相見而為垂之遇何哉蓋有所謀也况公子馮之在鄭實宋瑒之所不厭

一日忘情者其所謀於衛者不可知必有所要於鄭者其在去馮乎鄭莊不從故宋不果平及屋之盟傳稱齊人卒平宋衛于鄭然鄭不會其故可知也

○鄭伯請釋泰山之祀而祀周公以泰山之祊易

許田三月鄭伯使宛來歸祊不祀泰山也成王營王城有遷都之志

故賜周公許田以為魯國朝宿之邑後世因而立周公別廟焉鄭桓公周宣王之母弟封鄭有助祭泰山湯沐之邑在祊鄭以天子不能復巡狩故欲以祊易許田各從本國所近之宜恐魯以周公別廟為疑故云已廢泰山之祀而欲為魯祀周公孫辭以有求也許田近許之田○今河南開封府許州西南有魯城本許田後置邑寰宇志謂在許昌城南四十里者是也季氏本曰前年鄭雖納平於魯而交猶未固不足以離宋黨故復以祊結之祊田近魯魯所欲得而鄭遠控制為難則弃以與魯以利餌魯之術也然度其時猶恐魯人不欲嘗未盡言易許也不然許田何待四年之後始加璧以假乎左氏謂鄭伯請以泰山之田易許田蓋因其終而逆探鄭志耳

○夏虢公忌父始作卿士于周

周人於此遂昇之政

○四月甲辰鄭公子忽如陳逆婦媯辛亥以媯氏

歸甲寅入于鄭陳鍼子送女先配而後祖鍼子曰

是不為夫婦誣其祖矣非禮也何以能育鍼子陳大夫媯氏媯媯

告祖廟而後行故楚公子圍稱告莊共之廟鄭忽先逆婦而後告廟故曰先配而後祖。鍼其庶反。

○齊人卒平宋衛于鄭秋會于温盟于瓦屋以釋

東門之役禮也會温不書不以告也定國息民故曰禮也平宋衛二國於鄭之謀鄭不與盟故不書。張氏溥曰春宋衛遇于

垂齊平宋衛于鄭也秋宋齊衛盟于瓦屋齊卒平宋衛于鄭也此左氏之文也然以經考之遇垂而鄭不閉盟瓦屋而鄭不與鄭豈受平者哉後牧之役衛

鄭怨淺長葛之役宋鄭怨深公子馮在鄭宋殤公未嘗一日忘也宋亟欲去馮而合鄭鄭莊公必不從是故瓦屋之盟絕鄭非平鄭也按程子亦曰宋為主

盟與鄭絕也張氏之說固有本矣 ○八月丙戌鄭伯以齊人朝王禮也言鄭伯不

之說固有本矣

言鄭伯不

以饒公得政而背王故禮之齊稱人畧從國辭上有七月庚午下有九月辛卯則八月不得有丙戌。林氏堯叟曰鄭莊因齊僖在周地故以齊朝王。

○公及莒人盟于浮來以成紀好也

二年紀莒盟于密為魯故今公尋之故曰

以成紀好

○冬齊侯使來告成三國

齊侯冬來告稱秋和三國

公使眾仲對曰

君釋三國之圍以鳩其民君之惠也寡君聞命矣

敢不承受君之明德

鳩集也

○無駭卒羽父請謚與族公問族於眾仲眾仲對

曰天子建德

立有德以為諸侯

因生以賜姓

因其所由生以賜姓謂若舜由媯汭故陳為媯姓

胙

之土而命之氏

報之以上而命氏曰陳○胙才故反

諸侯以字

諸侯位卑不得賜姓故其臣因氏其王父

字

為謚因以為族

或便即先人之謚稱以為族。孔疏如衛齊惡宋戴惡之類。按謚當作氏。朱子曰：以字為氏如鄭之

國氏本子國之後駟氏本子駟之後。下云公命以字為展氏是也。

官有世功則有官族邑亦如

之。謂取其舊官舊邑之稱以為族皆稟之時君。林氏堯叟曰：世世居其官而有功者則以其官為族。若晉士氏中行氏之類。或以所封之邑若趙氏

韓氏魏氏之類稱去聲。

公命以字為展氏

謂侯之子稱公子，公子之子稱公孫，公孫之子以王父字為氏。無駟公子

展之孫故為展氏。

經九年春天王使南季來聘

無傳南季天子大夫也南氏季字也

○三月癸

酉大雨震電庚辰大雪

三月今正月○雨雪于付反傳同

○挾卒

無傳挾魯大夫

未賜族。挾音協。公穀俱作俠。穀梁傳俠者所俠也。注俠名也。所其氏。

○夏城郎○秋七月○冬

公會齊侯于防

防魯地在琅邪華縣東南。今山東兗州府費縣東北六十里有華城即華縣也。

傳九年春王三月癸酉大雨霖以震書始也

書癸酉始雨日

庚辰大雨雪亦如之書時失也

夏之正月微陽始出未可震電既震電又不當大雨雪故

皆為時失

凡雨自三日以往為霖

此解經書霖也而經無霖字經誤。劉氏做曰經有電無霖傳有霖無電

傳不解經經反誤哉然邱明不宜革電為霖蓋其所據簡策錯誤不能決之于經直因循舊記而已

平地尺為大雪

○夏城郎書不時也

○宋公不王

不共王職

鄭伯為王左卿士以王命討之伐

宋宋以入郟之役怨公不告命

入郟在五年公以七年伐郟欲以說宋而宋猶不和也

公怒絕宋使秋鄭人以王命來告伐宋

遣使致王命也伐宋未得志故

復更告之冬公會齊侯于防謀伐宋也

○家氏鉉翁曰魯嗜于歸觴之利齊背瓦屋之盟連兵而

伐與國內揣有愧故相

與假王命非王意也

○北戎侵鄭

林氏堯叟曰言北戎以別我之維處中國者

鄭伯禦之患戎師曰

彼徒我車懼其侵軼我也

徒步兵也軼突也○軼夷質反

公子突曰使

勇而無剛者嘗寇而速去之

公子突鄭厲公也嘗試也○勇則能往無剛不取退

君為

三覆以待之

覆伏兵也○覆扶又反下同

我輕而不整

輕去聲疾也

貪而無

親勝不相讓敗不相救先者見獲必務進進而遇

覆必速奔後者不救則無繼矣乃可以逞

逞解也○林氏堯叟曰逞

快也言快志于戎

從之戎人之前遇覆者奔祝聃逐之

祝聃鄭大夫○聃他

甘衷戎師前後擊之盡殪

為三部伏兵祝聃帥勇而無剛者先犯戎而速奔以遇二伏兵至後伏兵起戎

州故許城在州
東北四十里

○冬十有一月壬辰公薨

實弒書薨又不地者史策所諱也

傅十一年春滕侯薛侯來朝爭長

薛魯國薛縣○薛城在今山東兗州府滕縣南

四十里

薛侯曰我先封

薛祖奚仲夏所封在周之前

滕侯曰我周之卜正

也

卜正下官之長

薛庶姓也我不可以後之

庶姓非周之同姓

公使羽父

請於薛侯曰君與滕君辱在寡人周諺有之曰山

有木工則度之

度大洛反

賓有禮主則擇之

擇所宜而行之

周之

宗盟異姓爲後

盟載書皆先同姓例在定四年

寡人若朝于薛不敢與

諸任齒

薛任姓齒列也○任音壬

君若辱貶寡人則願以滕君爲請

薛侯許之乃長滕侯

○夏公會鄭伯于邾謀伐許也。鄭伯將伐許。五月。

甲辰授兵於大宮。大宮鄭祖廟。大音恭。公孫開與潁考叔爭車。

公孫開鄭大夫。開於葛反。潁考叔挾輈以走。輈車。輈也。子都拔棘以逐之。

子都公孫。開棘戟也。及大遼弗及。子都怒。遼道方九軌也。爾雅九達謂之遼。○秋七月。

公會齊侯鄭伯伐許。庚辰傅于許。傅于許城下。傳音附。潁考叔

取鄭伯之旗。蝥弧以先登。蝥弧旗名。蝥音牙。子都自下射之。顛

顛遂而死。射音石。瑕叔盈又以蝥弧登。瑕叔盈。鄭大夫。周麾而呼曰。君登

矣。周麾也。麾招也。呼去聲。鄭師畢登。壬午遂入許。許莊公奔衛。奔不

亂遁逃。未齊侯以許讓公。公曰。君謂許不共。不共職貢。共音恭。下同。故

從君討之。許既伏其罪矣。雖君有命。寡人弗敢與。

聞音與乃與鄭人。鄭伯使許大夫百里奉許叔以居。

許東偏許叔許莊公之弟東偏東鄰也曰。天禍許國。鬼神實不逞于許。

君而假手于我寡人。借手于我寡人之人以討許寡人唯是一二父

兄不能共億。父兄向姓羣臣共給億安也其敢以許自爲功乎。寡人

有弟不能和協。而使鋤其口於四方。弟公叔段也。鋤需也。段出奔在元年。○孔

疏鋤音胡是鐘需別名其况能久有許乎。吾子其奉許叔以撫柔

此民也。吾將使獲也。佐吾子。獲鄭大夫公孫獲若寡人得沒

于地。以善天其以禮悔禍于許。言天加禮于許而悔禍之無寧茲許公

復奉其社稷

無寧寧也茲此也。復扶又反。

唯我鄭國之有請謁焉。如

舊昏媾

謁苦也。媾之父曰昏。重昏曰媾。

其能降以相從也。

降降心也。

無滋他族

實偏處此。以與我鄭國爭此土也。吾子孫其覆亡

之不暇。而况能禋祀許乎。

黎齊以享謂之禋。祀謂許山川之祀。履芳六反。禋音因。

寡人

之使吾子處此。不唯許國之爲。亦聊以固吾圉也。

圉邊垂也。爲去聲。

乃使公孫獲處許西偏。曰。凡而器用財賄

無寘於許。我死。乃亟去之。

而乃皆汝也。

吾先君新邑於此。

此今河南新鄭。舊鄭在京兆。鄭本在西都畿內咸林之地。漢屬京兆曰鄭縣。今陝西西安府華州是也。武公得隰郟之地。乃徙其封而施舊號于新邑。是爲新鄭。今新鄭縣屬河南開封府。

王室而既卑矣。周之子孫日失其序。

鄭亦周之子孫

夫許大岳之胤也

大岳神農之後堯四岳也胤繼也○大音泰

天而既厭

周德矣。吾其能與許爭乎？君子謂鄭莊公於是乎

有禮。禮經國家，定社稷，序民人，利後嗣者也。許無

刑而伐之，服而舍之也。

刑法也

度德而處之，量力而行之。

相時而動，無累後人。

我死乃而去之無累後人○量音良相累並去聲

可謂知禮矣。

○趙氏匡曰：諸侯無王命入人之國，罪已大矣。又使大夫守之，不容誅矣。而左氏以為有禮，是長亂階也。

○鄭伯使卒出

緘，行出犬雞，以詛射潁考叔者。

百人為卒三十五人為行行亦卒之行列疾射潁考叔者

故今卒及行間皆誑之。緘音加行音杭誑莊助反

君子謂鄭莊公失政刑矣。政以治

民刑以正邪。既無德政，又無威刑，是以及邪。

大臣不睦又不

能用刑
于邪人
邪而詛之將何益矣

○王取鄔劉

二邑在河南緱氏縣西南有鄔聚西北有劉亭。鄔爲戶反。緱氏縣今河南河南府偃師縣是也。縣西南五十里有

鄔聚緱氏

古侯反。爲邢之田于鄭

爲邢鄭二邑。爲尤委反。邢音干。爲當在今河南懷慶偃師孟縣之間。懷慶府河內縣西北

三十里邢臺

而與鄭人蘇忿生之田

蘇忿生周武王司寇蘇公也

温今温縣

今屬河南

原

在沁水縣西。今懷慶府濟源縣西北有原鄉

絺

在野王縣西南。今懷慶府野王縣西南有絺城。一名

野王縣西南有陽城。在今濟源縣東南三十八里

隰邨

在懷慶府武陟縣西南十五里。隰城是也

櫟茅

在修武縣北

櫟才官反。修武今屬懷慶府。縣北二十里大陸村即其地也

向

軹縣西有地名向上。向音鈎。今濟源縣西南有向城

盟

今盟津。音孟。在今

懷慶府孟

州

今州縣。州縣故城在縣南八里。今河內縣東五十里

陘

懷慶府西杜三十里。一名丹陘。陘在

武縣北

武縣北

懷

今懷縣。凡十二邑皆蘇忿生之田。櫟茅陘屬汲郡。餘皆屬河內。懷縣故城在今武陟縣西十二里

君子是以

知桓王之失鄭也。怒而行之，德之則也。禮之經也。

已弗能有，而以與人人之不至，不亦宜乎。

蘇氏報王于二邑王所不

能有為桓五年從王伐鄭張本

○鄭息有違言

以言語相違恨

息侯伐鄭，鄭伯與戰于竟。息

師大敗而還。

息國汝南新息縣。竟，通作境。今河南汝寧府息縣西南七里有息城。

君子是以知

息之將亡也。不度德

鄭莊賢

不量力

息國弱

不親親

鄭自簡姓之國

不徵辭，不察有罪。

言語相恨，當明徵其辭。以審曲直，不宜輕闕。

犯五不韙，而以

伐人，其喪師也，不亦宜乎。

韙是也。韙，辜鬼反。

○冬十月，鄭伯以虢師伐宋，壬戌，大敗宋師，以報

其入鄭也

入鄭在十年

宋不告命故不書凡諸侯有命告

則書不然則否

命者國之大事政令也承其告辭史乃書之于策若所傳聞行言非將君命則記在簡牘而已不得記于策

此蓋周禮之舊制

師出臧否亦如之

臧否謂善惡得失也臧而告敗勝而告克此皆互言不須兩告乃書○否音都

雖及滅國滅不告敗勝不告克不書于策

○羽父請殺桓公將以求大宰

大宰官名○大音泰○孔疏魯以司馬司徒司空為三卿而無

大宰羽父名見于經是已為卿復求大宰欲令特置此官以祭已耳以後更無大宰義終不立也

公曰為其少故也

吾將授之矣

授桓位○為去聲

使管菟裘吾將老焉

菟裘魯邑在泰山梁父縣南不

欲復居魯朝故別營外邑○菟裘都反今山東濟南府泰安州南兗州府泗水縣北有梁父城菟裘聚

羽父懼反譖公于桓

公而請弑之公之為公子也與鄭人戰于狐壤止

焉

內諱獲故言止狐壤鄭地。後漢潁陰縣有狐宗鄉疑即此。

鄭人囚諸尹氏

尹氏鄭大夫

賂尹

氏而禱於其主鍾巫

主尹氏所主祭

遂與尹氏歸而立其主

立鍾巫于魯

十一月公祭鍾巫齊于社圃

社圃園名。齊側皆反。

館于寯

氏

館舍也。寯魯大夫。寯于委反。

壬辰羽父使賊弑公于寯氏立桓公

而討寯氏有死者

欲以弑君之罪加寯氏而復不能正法誅之傳言進退無據。顧氏炎武曰言非有名位之人蓋微

者耳如司馬昭族成濟之類

不書葬不成喪也

桓弑隱篡立。故喪禮不成。

春秋左傳杜注卷第一